

Q. D. B. V.

DISSERTATIO PHYSICO-MEDICA  
DE  
Februm Natura, Cau-  
sis, differentiis & Symptomatibus,

*Quam*

CONSENSU GRATIOSÆ FACULTATIS MEDICÆ

PRÆSIDE

VIRO NOBILISSIMO, AMPLISSIMO

&amp; EXPERIENTISSIMO

DN. CHRISTIANO VATERO


Phil. & Med. Doctore Famige-  
ratisimo,*Præceptore & Patrono suo æternùm  
colendo,*

Publico Eruditorum Examini sistit

ANDREAS JACOBÆER, Pirnens.

IN AUDITORIO MEDICO,

Ad D. XIX. Decembr. A. M. DC. LXXXV.



WITTEBERGÆ,

Literis SCHULTZIANIS.



DISSERTATIO PHYSICO-MATH.

# DE VIBRATIONIBUS

ET DE PROPRIETATIBUS

CONCORDANTIBUS

PHYSICIS

ET MATH.

DE

DR. CHRISTIANO

PHYSICO-MATH.

PHYSICIS

PHYSICO-MATH.

PHYSICIS

PHYSICO-MATH.

PHYSICO-MATH.

PHYSICO-MATH.

PHYSICO-MATH.

PHYSICO-MATH.

PHYSICIS

PHYSICO-MATH.



## PROOEMIUM.

**L**icet innumeros ferè Scriptores jamdudum materiam hanc, quam inquirendam suscepi, non tantum tractasse, sed ferè exhaustisse, me non fugiat, adeo ut nihil ferè aut addendum, aut desiderandum cuiquam videri posset; Nihilosecius cuilibet rempenitus inspicienti, Authorumq, etiamsi recentissimorum, doctrinas & hypotheses sano judicio conferenti, facile patebit, hanc certe (si ullam aliam) doctrinam nondum satis excultam & evidenter traditam esse, Authorumq, hypotheses principia & dogmata non solum dubia maximè & lubrica, sed etiam sibi invicem contraria esse; ut velin hoc verum ab Helmontio dictum arbitremur, Medicinam ab Hippocratis usque temporibus nihil plane crevisse, sed stetisse, imo magis dubiam redditam fuisse. Et tamen hac præcipuè doctrina nos instructos maximè, certos & confirmatos oportebat esse, non solum quod in universum omnibus ferè morbis complicantur febres, sed quod hæ præ omnibus aliis morbis in hisce præcipuè tractibus frequentes sint, adeo, ut hic V Vitteberga & Medicos & agros non nisi cum febribus maximè conflicari videam. Expo-  
 sui igitur, L. B. sequentes Aphorismos, quos quantum fieri potuit, breviter & succincte concepi, Tuo judicio, non ut alios, sed me ipsum eo ipso erudiam, & sicubi erravero, me imposte-  
 rum corrigere & melioribus judiciis cedere discam. Sicuti enim aliorum erroribus ad modum succensere vel insultare inhumanum, ita nec meis pertinaciter inherere consultum judicabo.



# CAP. I.

## *De Febris in genere.*

### §. I.



Vandoquidem instituiamus investigare febrium naturam, usitata methodo procedere possemus à nominis evolutione; nisi eadem jam tum ab aliis & fere omnibus Authoribus, etiam ad nauseam usque tradita esse constaret, ad quos Lectorem etiam remittimus. Potius igitur essentiae febrium indagandæ operam dabimus.

*Febrium  
Natura in  
quo con-  
sistat?*

*An in Pul-  
su aucto?*

§. 2. In Limine autem notavimus, adhuc usque diem febrium doctrinam magis dubiam redditam fuisse, id quod vel ex solâ Essentiæ febrium explicatione patebit. Recentiores enim & Recentissimi non consentiunt, quid mirum de Veteribus? Inter Recentiores maxime *Sylvii*, cui alias tota Europa ob dogmata saluberrima ab aliis neglecta, devincta est, Sententia in valuit, quâ febrem non per intemperiem calidam juxta Veteres, sed potius pulsum præternaturalem & frequentem definire amant. Et hæc tamen non paucis, nec immerito displicet, siquidem pulsus auctus, frequens vel celer non exhaurit essentiam febris, quam vi denominationis suæ involvit, aut non esset appellanda febris, à februo vel ferveo derivatâ voce. Datur etiam extra febres pulso auctus eg. ab animi pathematibus, grumis sanguinis, vermibus aliisque in corde contentis; Pulsus auctus non est potissimum, præcipuum vel manifestissimum, de quo conquærantur ægri, quod sibi maximè curari postulant, & à quo alias rationem denominandi & omnes affectus definiendi petimus; Non esset febris amplius ad morborum intemperiei, sed symptomatum classem referenda & quæ sunt alia momenta, quæ omnia hic recensere nihil attinet.

*An in cir-  
culatione  
sanguinis  
aucta?*

§. 3. Multò minus circulatio sanguinis aucta, quam alii eligere malunt, essentiam febrium exprimere videtur. Licet enim vel maximè concedatur, febres omnes comitari pulsum frequentem, inde tamen sanguinis circulatio aucta non est necessaria aut



ria, aut perpetua. Potest enim pulsus auctus consistere cum sanguine crasso, viscido, aut plane effuso. Pulsus certe in principio paroxysmorum febrilium, ubi æger vehementissimum frigus percipit, æquæ ac in progressu velox est, neque tamen tunc sanguinem jam in motu vehemente circulatorio esse, quin potius stagnare quasi & in se fermentescere crediderim. Et licet esset perpetua, tamen adhuc inter symptomata concomitantia spectaret, quæ essentiam sui morbi sequuntur, non verò solitarie exhaustiunt.

§. 4. Dixerim igitur potius cum *Willisio* formalem rationem febrium in fermentatione sanguinis præternaturali consistere, nisi hæc quoque minus manifesta, in sanguine potius, quam in partibus solidis consisteret, indeque rationem causæ magis, quam morbi optimo jure haberet. Illi autem qui in perturbata sanguinis & spirituum mistura, vel motu febris essentiam quærun, nihil nisi fermentationem intestinam inveniunt.

*An in fermentatione p. n. Vel perturbata sanguinis & spirituum mistura.*

§. 5. Sed quid obstat, quo minus Doctoribus nostris majoribus & præcipue Communi Præceptori nostro *SENNERTO* consentiamus, qui febrem ad classem morborum intemperiei & quidem calidæ retulerunt; & definiamus eam, quod sit *intemperies totius corporis calida à fermentatione, seu motu intestino sanguinis & spirituum præternaturali oriunda*; Eò enim ducit nos ipsa nominis ratio; estque calor potissimum urgens, de quo sanè omnes febricitantes conqveruntur. Novi quidem objectiones *Helmontii* & aliorum, nempe quod in principio febrium intermittentium & continuarum potius frigus urgeat, quam calor; quod febres Malignæ & Castrenses dentur, in quibus nullus calor deprehenditur; In quam rem etiam afferunt partim Authoritatem ipsius *Hippocratis* & *Galenii*, uti videre est apud *Rolsinc. de Febris Cap. 13.* partim exempla è *Schenk obs. l. 6. Barthol. C. 3. Epist. 293. seqq. Kerger de ferment. §. 3. p. 229.*

*An in intemperie Calida Corporis*

§. 6. Verum una vel altera distinctio inter principium & statum febrium, inter calorem internum, vel suppressum & externum seu expansum, vel manifestum, omnem difficultatem tollunt. Mirum non est quod ingruente primum fermentatione in febribus continuis & intermittentibus, præcipue in subjectis phlegmaticis,



maticis, scorbuticis & melancholicis, frigus magis percipiatur, ob expansionem spirituum pro nunc præpeditam & interturbatam, unde necessario sanguis & reliqui humores, præcipue acidi, spiritu rarefaciente destituti, segnius cum spiritibus moventur, vel plane restitant, & in hoc ipso consistit frigus: Continuante vero fermentatione, non potest, quin partes  $\Delta$ reæ lucidæ quam exiguæ & suppressæ etiam sint, tamen excitentur nonnihil & moveantur præter naturam, & eo ipso tunc ad est calor; qui si vel maximè opprimitur à principiis contrariis, humoribus crassis viscidis, uti in istis, quas illi forsan Autores viderunt, interim tamen fuit calor intestinalis, in ipso sanguine notabilis, qui etiam procul dubio se vel sola siccitate oris, siti, pulsu frequenti,  $\square$ na turbida, plus minus rubicunda, vel tenui, exseruit, licet illi adstantes non deprehenderint vel deprehendere noluerint.

*Subiectum  
principale*

§. 7. Propterea autem non judicamus, calorem istum in corde primario accendi; Ipsum enim cor omnem calorem naturalem, quem habet, à sanguinis & spirituum motu accipit. Ubique igitur heterogenea & fermentabilia principia operosa miscentur Spiritibus, sive in corde, sive pulmonibus, sive venis axillaribus, sive hepate, vel alibi, ibi etiam motus intestinalis sanguinis oriatur necesse est. Sanguinis autem massâ in motum fermentitium redacta, vel saltem spiritibus vitalibus in sanguine tumultuarie motis, statim ad est calor universi corporis, per quod circulantur & reliqua symptomata febrium essentialiter consequentia.

*Radicale*

§. 8. Communicatur autem fermentum istud modo è primis viis & mediante chylo, qui per ductum thoracicum sanguini infunditur; modo ex hepate, liene, utero vel glandulis &c. impuritates acidæ vel alcalinæ,  $\Delta$ reæ &  $\ominus$ inæ, viscidæ, crudæ fœculentæ redeunt per circulum in sanguinem; Modo per inspirationem & transpirationem intrat miasma fermenti vice fungens, & tunc radicalis sedes etiam in tam diversis locis, ventriculo, mesenterio, intestinis, hepate, liene, utero, pulmonibus &c. est querenda.

*Causa pro-  
xima*

§. 9. Ab omnibus enim fomes & dispositio fermentationis san-



nis sanguini, aut ad minimum motus spiritibus e irregularis conciliari potest; posita autem fermentatione sanguinis  $\Delta$ rei, vel spirituum motu turbulento, non potest, quin immediate & infallibiliter sequatur calor, qualiscunque etiam sit. Quemadmodum enim in se & formaliter omnis Ignis in rapidissimo particularum  $\Delta$ rearum & lucidarum motu consistit, ita sensus caloris demum formaliter in corpore sentiente producitur à motu particularum  $\Theta$ no- $\Delta$ rearum, fibrillas corporis blande vellicantium.

§. 10. Ab horrent quidem multi fermentationis terminum tanquam minus proportionatum, eumque Cerevisiariis & Coquis relinquendum esse autumant. Et fateor, nisi quis sanioris iudicio fermentationem acceperit, quam Cerevisarii, nimium certè fallit & fallitur, nec à vulgo discerni poterit. Non video perturbatam sanguinis misturam, vel spirituum, aut Archæi motum irrequietum in sanguine diversum quicquam à fermentatione intestina inferre, quam nos concepimus. Utimur terminis technicis à rebus petitis, quæ quotidie in Chimia videntur, & quæ nos in cognitionem plurimorum naturalium phenomenorum ducunt. Ratio certè genuina fermentationis consistit in motu intestino & pugna particularum subtilissimarum (adeoque non manifestè sensibilium) quatenus particulæ spirituosæ  $\Theta$ næ &  $\Delta$ reæ acidæ & alcalinæ, vel mixtæ in liqore misto solutæ & excitatæ undiquaq; erumpere vel exhalare conantur, quibus autem resistunt partes complicatæ crassiores, fixiores pingviores, viscosiores &c. Unde necessariò pugna oritur, qualis qualis etiam sit, quousq; volatiles partes ab ambiente calore adjunctæ prædominantur, avolant, & fermentatio cessat. Et hinc etiam est, quod mixta tantum corpora  $\Theta$ nis &  $\Delta$ reis partibus volatilibus & fixis gaudentia, eaque humida vel fluida, nullatenus vero simplicia, vel sicca ad fermentationem apta sint.

§. 11. Ne minimam quidem ex omnibus requisitis vel circumstantiis in sanguine desiderari posse iudico; Imò in sanguine exacte fano  $\Theta$ nas &  $\Delta$ neas partes volatiles & fixas, activas & passivas, spirituosas & minus spirituosas, aqueas & terreas adesse, nemo credo dubitat; Sed nec acidum, nec alcali, tanquam principia  
actio.

*Causæ proximiores.*



actionum magis manifestā, & hodie admodum trita, eidem denegari poterunt; Alkali quidem rursus facile concedunt omnes eò, quod assumptio  $\ominus$ ium volatiliū & fixorum quotidiana mediantibus cibis quibuscunq; &  $\ominus$ ium tam copiosus proventus ex  $\square$ a, sanguine, ossibus aliisque in resolutionibus chemicis id abunde ostendant. Eadem vero documenta etiam probant mihi acidum reale in corpore nostro & præcipuè humoribus. Vesimur enim potissimum  $\ominus$ : communi, potui inserint cerevisia vel vinum; nonne autem in his recondita sunt  $\ominus$ ia acida, non ne in aceta degenerant? Vel si dicas in his acidum non esse formale sed tantum materiale, perinde est, modo intra corpus explicari possit. Et nonne utimur in cibis ipso aceto aliisque acidis formaliter talibus, quæ quidem in alcalia statim abire rursus in corporibus nostris, aut annihilari, vix mihi persuadebit quisquā, præcipue, cum è Capite mortuo  $\square$ æ ipsum  $\ominus$  Culinare, & ex eo  $\neg$   $\ominus$ is acidum paratu non impossibile sit: Ne dicam, quod Chylificatio, Sanguificatio aliæque humorum motiones, calculorum & tophorum generationes absque acido explicare vix possibile sit, de quo consultatur *Sylvius* in operibus suis.

*Causæ remotæ*

§. 13. Quodcunque igitur è contrariis principiis præcipuè activis in sanguine excesserit, ex eo occasio fermentationis indeque febris nasci potest. Et hinc est quod tam diversæ causæ febrem producere aptæ sint. Ita modo cruditates ventriculi & primarum viarum, modo obstructions, vel vulnera viscerum, modo transpiratio impedita, frigus extrinsecum, contagium, ira aliæque innumera, quæ hic recensere nihil attinet, febrium causæ existunt.

*Differentiæ*

§. 14. Addamus pauca saltem de Differentiis tam diversarum febrium, quæ communiter desumuntur à causis, durationibus, complicationibus & symptomatibus. Ratione causarum communissima est distinctio in putridas & non putridas, quæ tamen Recentioribus minus placet; si vero per putridas potius fermentativas concipimus, nihil absurdi sequitur. Ita enim jam dudum SENNERTUS innuisse videtur, qui ut ut statuatur & explicetur adhuc febres, putridas sæpius tamē vocabulo ebullitionis & effervescentiæ

ntitur



titur in *Tract. de Febris Conf. etiam Piens. d. Febr. Part. I. p. 256.* Et credo etiam Veteres ex ignorantia fermentationis putrefactionem tantisper substituisse, in iis, quæ nunc, excultis magis & explicatis per Chymiam phænomenis naturalibus, accuratius explicantur per fermentationem, cujus demum supremus gradus putrefactio est. Sed hac ratione omnes febres, vi antea dictorum, erunt fermentativæ, exceptâ forsan unica ephemera, quæ tantum ab externo & superficiali spirituum motu exoriri & hinc uno eodemque die, vel citius deficere creditur, quæ tamen febris nomen vix meretur.

§. 15. Sub eadem Classe etiam continetur Differentia febrium Benignarum & Malignarum; Non enim semper humorum copia, vel saburra febres, præcipue continuas infert, sed minimum subinde miasma fermentativum nimis acre, volatile & penetrabile sufficit, quod ipsis spiritibus promptissime se sociat, fermentationis medio se multiplicat, indeque, gravissima & subitanea symptomata inducit, quibus etiam Medicus peritissimus vix resistere potest, & tunc dicuntur Febres istæ malignæ, ut distinguantur ab illis, in quibus fermenta blandius agunt, indeque minus periculi habent.

*Benignæ & Malignæ*

§. 16. Sic etiam febres quædam in specie à lymphâ viscida, acida acri in glandulis universi Corporis ab injuriis externis, aeris aliisque erroribus dietæ generata, producuntur; Ea enim, quia alias ordine naturæ in sanguinem continuo circulatur, non solum continuam ejus fermentationem præter naturalem, sed etiam feri decubitus in viscera varia, stagnationes, coagulationes, indeque anginas, pleuritides, phthises aliaque simul efficit. Et tunc jure dicuntur febres istæ Catharrales. Habentur quidem plures aliæ causæ, à quibus febres denominari queunt cum aliæ sint biliosæ magis vel pituitosæ, primariæ vel secundariæ, Comitatæ vel symptomatice &c. Sed hæc sponte sua patent & ubivis apud Practicos leguntur,

*Catharrales*

§. 17. Id notabile est, quod, licet omnes febres fermentativæ sint, idem tamen exacerbationis & remissionis tempus haud observent; Quædam enim sunt continuæ vel continentes in specie: Quædam intermittentes, & rursus vel simplices, vel inter-

*Continuæ Continentes Intermittentes*



se mixtæ & complicatæ, unde dantur e. g. Tertianæ simplices, duplices, triplices. Quotidianæ, tertianæ, quartanæ continuæ & plures aliæ; Sed de his mox specialiora dabimus.

Different.  
Ratione  
Symptoma-  
tam

§. 18. Doctrinæ gratia omninò etiam admitti potest differentia Februm ratione symptomatum potiorum, ita ut aliæ dicantur Anginosæ, Pleuriticæ, spasmodicæ, sudatoricæ &c. prout eas docuit SYLVIVS, licet ab aliis tanquam superflue improbentur.

## CAP. II.

### *De Febris intermittentibus.*

§. 1.

Febris Inter-  
mittentes quid  
sint?  
Subiectum  
principale  
& Radicale  
Non sunt  
glandulæ  
torum Cor-  
poru  
Nec glan-  
dula sali-  
vales vel  
Pancreati-  
tica  
Nec Hepar,  
vel Vesica  
fellea

**P**otissimum in sensu incurrit, febres alias per vices prorsus remittere & tamen per vices redire, alias verò semel productas à principio usque ad totalem sui remissionem perdurare & affligere. Mitiores sunt & minus periculi habent remittentes, earum ergo natura præ cæteris facilius erit cognita. Consistit autem ratio earum specifica in eo, quod per diversa, quidem, sed tamen ut plurimum certa temporis intervalla recedant & tamen rursus redeant, aliæ quidem quotidie, vel alternis, vel quarto, quinto imò octavo die.

§. 2. Requiritur quidem hic æque ac in omnibus febribus sanguineæ massæ, tanquam subiecti principalis fermentatio, sed principium fermentativum formale existere nequit in ea, aliàs enim fermentaret continuo, sed necesse est, ut in parte aliqua corporis lateat, à qua aliàs ordinariè per certa ejusmodi intervalla cum sanguine communicatio fieri solet. Hinc neque in glandulis vel vasis lymphaticis radicalis sedes intermittentium inveniri poterit; illa enim in totum non possunt obstrui, ita ut lymphæ cum M. S. communicatio planè inhiberi possit. Nec tamen in specie in glandulis salivalibus, vel pancreaticis; illorum enim humor tantus non est, ut totam Massam Sanguineam in motum fermentativum concitare sufficeret. Nec denique vesicula bi-  
liaris



liaris sola, vel etiam hepar, illa enim, præcipue vesicula non tam facile obstruuntur, vel si obstruuntur bilem tantum à sanguine separari impediunt, unde potius continua febris, Icterus, vel alius morbus oriri debet.

§. 3. Omnium igitur maxime probabile videtur, viscera primæ coctionis conjunctim, maxime ventriculum, intestina glandulas & vasa mesaraica pro radicali intermittentium sede habenda esse, à quibus tamen non excludendum volumus Hepar vel Lienem. Hepar enim bilem & lympham, Lien verò tantum lympham immediate chylo commiscent, & per eadem intervalla sanguini communicant.

*Sed primæ  
viæ con-  
junctim*

§. 4. Hujus sedis certitudinem colligimus exinde, quod viscera hæc per vasa plurima præcipue chyliфера sanguinea & nervosa cū sanguine communicent, quando alias per certa intervalla, singulis scilicet 12. vel 14. horis pro diversitate cibationū, roboris viscerum, aliarumque circumstantiarum chylicationem absolvunt, chylumque & lympham in sanguinem perfecte corrivant; Quod in his pleræque cruditates & viscositates à diætæ erroribus producantur; Quod glandulæ horum & vasa tenuissima lactea præ cæteris ad obstructions temporarias sint aptissima; Quod hic præcipue ob eosdem errores, stagnationes cruditatum, bilis & succi pancreatici, ejusmodi formale febrium fermentum fabricari possit. Interim non nego quod miasma quoddam fermentativum hærrere etiam possit in Massa Sanguinea, quod revocet quasi paroxysmos febriles; Uti jam tum SENNERTUS NOSTER docuit l. c. & *Poterius* quoque seminarium febrile vocavit; Illud tamen sufficiens per se non erat, ad paroxysmum inducendum.

*Probatur.*

§. 5. Præterea constat omnes febres intermittentes antecedere iisq; conjungi imbecillitates & constitutiones pravas ventriculi & vicinorum viscerum; Omnes hypochondriacos, scorbuticos & similes obstructionibus primarum viarum laborantes his quidem febribus præ cæteris obnoxios esse; Potissima & pleraque symptomata in his febribus præcipue circa ventriculum & abdomen quotidie observari; Ne recenseamus observata in cada veribus à febribus istis peremptis obvia; Curas optimè ad ventriculum & pri-



mas vias dirigit; pro diversitate diætæ statim augeri vel imminui vel mutari febres istas; multos etiam sola pertinaci & constanti inedia se curare posse, & quæ sunt alia.

*Causa*

§. 6. Id ipsum enim confirmat quoque causarum series: Si enim certum est, omnes febres à fermentatione præternaturali proximè dependere, idque fermentum præcipuè in  $\Theta$ ibus sylvestribus crudis, minus subactis consistere; istud omnium optime à prima errorum officina communicari potest & debet. Acidæ quidem profapiæ fermentum in his potissimum peccare percipimus (1) E causis antecedentibus, quando à diætæ erroribus, cibis crudis, viscosis, acidis,  $\Phi$ reis,  $\Theta$ is, aere frigido humido, vita sedentaria, malo hypochondriaco, scorbuto aliisque communiter producitur. (2) E stagnatione fermenti, quod non continuo, sed per intervalla turgeat & ad sanguinem ruat. (3) A Symptomatibus eg. Horrore, rigore, dolore gravativo, appetitu sæpius aucto, vel mutabili, somnolentia aliisque, de quibus etiam in specie quædam suo loco dabimus. (4) Ab excretis pituitosis, acidis, crudis sive à natura, sive per medicamenta promotis. Denique (5) A juvantibus, quando omnium optime alcalia & alcalina saluberrimam opem contra easdem præstare videmus toto die.

§. 7. Interim non nego, præter acidum etiam  $\Theta$ inum acre  $\Theta$ sum in his peccare posse, imò hoc vel maximè, si non excedere, tamen sæpius cum acido de prævalentia decertare, judico, præcipue si incidat febris in cholericos, scorbuticos, siccos, juvenes &c. id quod in tertianis præcipue è paucis horrore, sed ingenti æstu, vomitibus biliosis, siti nimio, vigiliis aliisque sufficienter colligere licet: Utrumque ergo peccet necesse est, alias enim fermentatio præternaturalis esset impossibilis, unum tamen altero prævalet.

*Ratio paroxysmorum*

§. 8. Sed præcipua ratio adhuc reddenda restat, quomodo fermentum istud in primis viis radicaliter productum per tam certa & statuta tempora sanguini communicari rursusque remittere penitus possit. Circa primum quidem supponendum est, quod singulis XXIV. horis, licet etiam bis, vel ter de die comedamus, demum succi nutritii distributio perfecta & plenaria in sanguine con-



contingere soleat, unde etiam Naturam intra spatium istud  
alvum ordinarie exonerare aliasque excretiones manifestius insti-  
tuere deprehendimus. Quamvis quidem in aliis plus minus, ci-  
tius vel tardius hæc contingant, pro diversitate scilicet regiminis  
in diæta, ciborum assumptorum, temperamenti & similium.

§. 9. Sed ita etiam febrium harum orgasmus non semper  
iisdem & certis intervallis, quin etiam citius, vel tardius, gravius  
vel levius recurrit, pro ratione fermenti plus minus copiosi, acidi  
vel salsi, volatilis vel fixi, nec non pro diversitate assumptorum  
medicamentorum aliorumque accidentium, uti jam tum nos do-  
cuit ingeniosissimus *Willisus de Febris*.

§. 10. Ita ergo persuasi sumus rationem & modum certæ  
& definitæ turgescentiæ, vel fluxionis fermenti ad sanguinem de-  
beri potissimum chyli & succi nutritii distributioni, quæ uti in  
sanis singulis diebus semel & perfecte absolvi solet, ita ob co-  
piam cruditatum sensim collectarum tamdiu impeditur, usque dum  
membranulæ vasorum & glandularum partim ob copiam crudi-  
datum, partim ob acridinem & turgescentiam fermenti in capa-  
ces, illud tandem cum chylo expellunt & ad sanguinem propel-  
lunt: Fieri autem potest, quod copia pravi chyli & fermenti usque  
ad turgescentiam mineræ suæ in aliis suppeditur ex una perfecta  
digestione & nutritione, quam intra XXIV. horas circiter fieri di-  
ximus, & tunc fit febris quotidiana; modo ex duabus tantum vel  
tribus, unde tertiana, vel quartana oritur.

§. 11. Sed objicere quispiam potest, quod observentur et-  
iam febres intermittentes quintanæ, sextanæ, octanæ &c. uti jam  
tum observavit *Sennert. d. Febr. l. 2. c. 17. Piens de Febr. Part. 2. p. 99.*  
*Schenck. l. 6. obs. Et müllerus in Prax. p. 269.* Imo observatæ sunt febres  
menstruæ, in quibus singulis mensibus tantum paroxysmus rediit;  
Vel quod magis mirum, anniversariæ, ubi tantum singulis annis  
certo quodam die, præcipue natali afflixit paroxysmus, uti videre  
licet apud *Schenck l. c.* Eò usque enim turgescentia fermenti febrilis  
in primis viis differri posse non videtur. Verum attendendæ sunt  
circumstantiæ, quæ paroxysmos istos rarissimos induxerunt; Illa  
febris menstrua apud *Schenckium* oriebatur tantum, quoties

*Variant  
proxymè  
interdum*

*Quomodo  
typum ser-  
vant*



menstruam alias purgationem patiebatur, & anniversaria circa diem natalem: Ejusmodi autem temporibus solennes mutationes naturales contingere solent, quidni inter istas etiam fermentum febrile in primis viis latens aliquoties excitari posset?

*Quemodo  
mutant*

§. 12. Jam tum autem monuimus, quod turgescencia fermenti febrilis non semper exactis intervallis, quin sæpius tardius vel citius recurrat. Nam si ægri cibis præcipue crudis, crassis, acidis viscosis aliisque; Diætæ erroribus indulgent, paroxysmi communiter postponunt, quia obstructions augentur & confirmantur, ut eò difficilius & tardius erumpere queat fermentum; Si vero sobrietati student ægri, nonnisi cibis optimis, facillimæ coctionis, iisque parce & præcipue medicamentis utuntur, anticipant & eo citius deficiunt, modo corpus præter hanc febrem cachexiæ labem fortiolem non contineat.

*Et Trans-  
mutantur*

§. 12. Et hinc etiam non rarum est, quod febres hæ toties inter se transmutentur, ita ut è tertiana simplici modo duplex, vel triplex, modo quotidiana, vel quartana, mod etiam continua simplex vel mixta generetur & hæ vicissim in alias transeant; quoniam causæ earum tantum loco natali, quantitate & gradibus differunt, quæ tamen inter se facile commutantur, erroribus quibuscunque obvenientibus.

*Ratio re-  
missionis  
paroxysmo-  
rum*

§. 13. Quod autem paroxysmi in his febriles toties & totaliter remittant, id exinde est, quod fermentum febrile in sanguine non sit essentialiale, sed mutuatitium saltem. Illud autem postquam aliquamdiu cum heterogeneis partibus in sanguine per se non adeo impuro conflictatum est, tandem à spiritibus superatur, resolvitur & rejicitur cum sudore, ☐na vel aliis recrementis, utut labes aliqua ob spirituum perditionem & ☉ium fluorem à pugna relinquitur

*Ratio redi-  
ditus paro-  
xysmorum*

§. 14. Tamen redeunt de novo iidem paroxysmi, ita ut tot quasi febres particulares generentur, quot paroxysmi redeunt. Nimirum fomes febrilis ob naturam suam viscidiam, acidam non facile penitus è minera sua & sanguine emigrat, sed relinquit ubique scorias sui generis cohærentes & restitantes: Hæ dum ita latent, partim propter stagnationem ipsam, partim propter acces-  
sum



sum novorum  $\Theta$ ium (febricisantes enim quicquid assumunt, ob viscerum constitutionem læsam, in cruditates vertunt) se multiplicant & æque ac antea novum naturæ negotium facessunt, idem stadium decurrentes, quod antea ostendimus.

## CAP. III.

### *De Febris continuis.*

#### §. I.

**A**D differentiam intermittentium febrium dicuntur continuæ, *Febres*  
quæ à primo invasionis momento usq; ad integram sui cessa- *Contin-*  
tionem, sine totali sui remissione, perdurant; Sed in his quoq; nota- *tes*  
tur differenria notabilis, quoniam aliæ sine omni prorsus remis- *Continu-*  
sione ad ultimam & integram sui cessationem urgent, aliæ verò,  
licet non remittant penitus, ut intermittentes, tamen aut quovis,  
aut tertio, aut quarto die semel, vel pluries exacerbantur rursusq;  
aliqualiter remittunt. Unde illæ dicuntur continentes in specie,  
hæ vero continuæ tantum.

§. 2. Singulæ autem sive continuæ, sive continentes in *Causa*  
specie dependent à motu spirituum & fermentatione sanguinis *proxima*  
continua & constanti, secus ac in intermittentibus, ubi tantum  
per intervalla redibat, ob fomitem febrilem in sanguine non con-  
tentum; In his autem iste fomes necessario in ipso sanguine for-  
maliter, vel ad minimum in Massa lymphatica existere debebat,  
utpote quæ continuo cum sanguine in variis locis perfunditur,  
nunquam vero in totum sufflaminari potest; alias enim non pos-  
set continua pugna & turba in sanguine ac vasis concitari.

§. 3. Ea quidem etiam ac in intermittentibus defectura  
esset, nisi major labes sanguini & lymphæ cohæreret, eidemque  
ab aliis visceribus succendibulum accederet. Etenim credo nul-  
lam febrem continuam oriri, vel existere posse, nisi præter sangui-  
nis & lymphæ præternaturalem statum viscus vel pars aliqua, cor-  
poris habeat, quod contribuere queat. Præ omnibus chylus sub  
digestio



digestione in ventriculo plus minus corruptus, in duodeno à bile minus perfectus, sed variis modis alteratus, sub liquoris fermentativi occulto acido - dulcis, aut acido - amaricantis volatilis & nidorosi formâ successive sanguini instillatus eo usq; vices fermentationis & circulationis leges subit, donec ulterius aut copiosius congesta  $\Theta$ ia heterogenea, vel quacunq; occasione externa excitata, tandem ordinariam sanguinis fermentationem & spiritualcentiam turbant indeq; febrilis fermentationis occasionem præbent, quæ mediante natura ista heterogenea, sanguini suffusa, excludere conatur eventum modo felici, modo infelici.

*Remota*

§. 4. Ita tale fermentum sæpius ex obstructo hepate vel liene ob scorias præcipuè biliosas minus secretas infertur sanguini. Tale communicat non raro etiam ulcus quoddam internum e. g. phthisis pulmonalis, modo inflammatio visceris pulmonum in pleuritide l. peripnevmonia, modo scabies retropulsa, modo lymphæ acida vel in sanguine, vel in Colatoriis suis demum corrupta, modo sub contagii tegmine irrepit & quæ sunt aliæ innumerae ferè scaturigines.

*Differentiæ*

§. 5. Et hinc etiam variant tantopere febres hæ non solum ratione causarum præmissarum, sed exinde etiam ratione morum symptomatum complicationum & durationum. His in specie & frequentissime, quamvis non solis familiaris est malignitas, quam antea tantum in nimia fermenti operositate i. e. volatilitate & acredine, spiritibus potissimum inimica, consistere diximus. Cum enim fomes earum s. fermentum communiter sit naturæ volatilioris & radicaliter in ipso sanguine generetur, aut ad minimum eidem immediate aliunde e. g. per inspirationem vel transpirationem communicetur, facillime fieri potest, ut non solum crasis totius massæ sanguinæ, sed etiam spirituum in sanguine habitantium subito mutetur aut destruat penitus, quemadmodum lac & ejusmodi alios liquores heterogeneos accessu paucissimi  $\Theta$ is acidi statim immutari videmus: Et tunc malignitas subesse dicitur à Practicis.

§. 6. Sic quoque symptomata quædam hic magis propria observantur, nempe variolæ, morbilli, petechiæ, angina, pleu-



ritides, sudores colliquativi, convulsiones &c. Talia enim præcipuè exanthemata requirunt fermentum volatilius acido - acre & in sanguinis potissimum sero restitans: Hoc si cum alcalinis & æis sanguinis partibus concurrat, non potest, quin tumultus & fermentationes graviores excitet, unde vel per glandulas cutis erumpit, eas plus minus corrodit, inflamat & sic ulcuscula vel ad minimum maculas rubicundas inducit: Vel si in visceribus, ex occasione quadam data, restitet fermentum e.g. in pulmonibus pleuritidem, in faucibus anginam, in nervosis partibus convulsiones, in aliis alia producit.

§. 7. De cætero notavimus ex his febribus quasdam ab initio ad integram sui cessationem sine omni remissione continuare; alias verò per vices non nihil remittere; idq; exinde fieri judicamus, quod in illis fermentum æqualiter per universam Massam sanguineam expansum sit, indeque in æquali tenore agat usque ad integram sui, vel spirituum, vel subactionem aut destructionem. In his autem præter habituale, licet segnius fermentum sanguinis, aliud aliunde accedat necesse est, quod oleum quasi igni addere, & intemperiem augere possit. Et dubium non est, quemadmodum in intermittentibus è primis viis aliisq; visceribus fomitem communicari diximus, ita in his quoq; sive è ventriculo vel intestinis, sive hepate, liene, utero, pulmonibus aliisq; heterogenei quid accedere, quod fomitis vice fungi queat; Id quod maxime notabile est in febribus complicatis quotidianis, tertianis, continuis, de quibus mox in specie quædam afferemus.

§. 8. Ex illarum causarum diversitate demum tam diversa durationis tempora facillime judicare licet. Ingens certè differentia est, alias vix tertium, vel quartum, alias tantum septimum, vel nonum, alias etiam decimum quartum, vigesimum, imò quadragesimum diem transcendere, quæ tamen omnes continuæ sunt & dicuntur; quod certè non aliunde, quam à fermenti febrilis vigore, volatilitate, quantitate plus minus aucta; Dispositive etiam à subjectorum temperamentis & viribus adeo diversis derivare licet.

*Ratio continuationis & continentie.*

*Ratio & diversitas durationum*



*Ratio Cri-  
sum in his  
febris*

§. 9. Quod vero terminos febrium harum speciales atti-  
net, patet illos non nisi supposita certâ specie febris judicari pos-  
se. Imo nec in certis speciebus terminus semper est æqualis ob-  
temperamentorum, graduum, symptomatum aliarumq; circum-  
stantiarum disparitatem. His quidem continuis febribus, quam-  
vis non omnibus, peculiare est, quod citatiore cursu, ac intermit-  
tentes, pergant, donec Natura aut proprio conatu, aut medica-  
mentis adjutâ fermentum peregrinum superare & è sanguine  
solum, vel plane è corpore eliminare queat per sudores uri-  
nam, sputum, abscessus, aliasq; rationes. In principio enim febrim  
solutio fieri non poterat, neq; commodè in augmento, quo-  
niam causa morbifica licet impetuosâ, tunc tamen sanguini & hu-  
moribus reliquis adhuc intimius cohæret. Sed in statu i. e. supre-  
mo fermentationis gradu, ubi fermentum ubivis vinculis quasi  
suis solutum, in sanguinem & Spiritus, hi vero in fermentum pro-  
virili agunt, unde necessario mutatio ad salutem, vel deficiente  
Natura ad mortem fieri debet: Sive ille status, vel supremus  
gradus incidat circa diem septimum, undecimum, decimum  
quartum, vigesimum primum vel vigesimum septimum. Circa  
hæc enim tempora faciunt aliquid & disponunt quodammodo u-  
niversalium causarum, præcipuè Lunæ & per consequens aeris  
mutationes. Ultra istum terminum ultimum verò fermentatio-  
nem continuam & adeo hostilem prout in febribus continuis ex-  
quisitis supponitur, durare posse vix possibile est, nisi superato  
fermenti usgore, sed sanguinis simul crasi destructa, lenta saltem  
& hæctica intemperies in toto corpore relinquatur, vel renovato  
fermenti impetu ad recidivam redeant.

*Terminus  
febrium  
Lentarum*

§. 10. Nam habentur etiam præcipuè in nostris regioni-  
bus febres Continuae lentæ e. g. hæcticae, catharrales, quotidianae  
continuae & similes, quæ ut plurimum ex aliis morbis viscerumque  
vitiis fieri solent, quando nempe ex his sensim & vix sensibiliter  
labes acidi morbose sanguini affricatur, sanguis etiam sensim tantum  
degenerat à naturali spirituositate, raritate, dulcedine & unde loco  
naturalium digestionum fiunt quodammodo præternaturales  
plus minus sensibiles præcipuè à cibis sumptis; Quoniam igitur  
in his



in his omnibus recessus à statu naturali est successivus, causa morbi adhuc suppressa, subjugata indeque symptomata mitiora, terminos etiam solutionum longiores esse oportebat. Sed de his in specialibus accuratius agere licet.

## CAP. IV.

### *De Febris Complicatis vel mixtis.*

#### §. 1.

**F**ebres tam intermittentes, quam continuæ hætenus explicatæ miscentur & complicantur sæpius non solum cum aliis morbis, sed in specie, inter se ipsas quoque, ob causarum, subsectorum aliorumque analogiam, quæ intercedit omnibus; Ita modo intermittens cum intermittente alia, vel intermittens cum continua, modo continua cum intermittente, vel continua cum continua conjunctim invadunt, & seorsim vel conjunctim remittunt; Præcipue verò hætenus à Practicis observatæ sunt quotidiana duplex & triplex, & quotidiana continua, item tertiana & quartana duplex, triplex & continua, & quæ rarius observantur Quintanæ duplices & continuæ.

*Complicationes Febrium varia.*

§. 2. Rara admodum est febris quotidiana duplex, & multo magis triplex, dignoscitur tamen ex eo, quod singulis diebus duo vel tres proximi, sibi invicem in proportionem respondentes, ingruant & remittant rursus; Eamque tunc demum contingere arbitror, quando fermentum quidem itidem in primis viis hæret, æque ac in quotidiana simplici, ita tamen ut duplex, vel triplex fons atque minera seorsim obstructa certis ejusmodi intervallis fomitem & fermentum novum suppeditet; Absurdum enim non est, imo maxime probabile; in uno eodemque subiecto aliam obstructionem esse in glandulis intestinorum & mesenterii, aliam in pancreate in specie, aliam in hepate, liene, vel alio viscere, quarum certe quælibet certis intervallis alia quidem mane, alia à meridie, alia de nocte, turgescere potest.

*Quotidiana duplex & triplex*

*Causa*

§. 3. Ita in quotidiana continua, ubi præter continuum paroxysmum etiam quotidie nova exacerbatio & remissio eodem

*Quotidiana continua*



**Ejus Causa** tempore & modo accidit, aliunde non est, 'quam' à continua fermentatione sanguinis, cui tamen quotidie è primis viis statotempore accedit novum fermentum, ex iisdem causis collectum & motum, quas de quotidiana simplici notavimus.

**Tertiana duplex & triplex** §. 4. Sed longe frequentior, præcipuè inter nostrates, est tertiana duplex, rarior triplex, ubi eodem die bini, aut alternis diebus singuli, aut uno die unus, altero bini revertuntur paroxysmi & remittunt rursus, qui, ut à quotidianæ paroxysmis distingvantur, accurate attendenda sunt invasionis tempus, duratio & afflictio. Nam quoties horum omnium ratione primus paroxysmus respondet tertio, & hic quinto, secundus vero quarto, hic sexto & sic porro, de tertiana duplici dubitandum non est; Causa enim hic eadem quæ in tertiana simplici, saltem quod rursus in diversis visceribus lateat, indeque quodlibet fermentum seorsim turgeat.

**Tertiana Continua** §. 5. Non minus frequens est tertiana continua à causis febris continuæ & tertianæ intermittentis producta; quæ præter continuam exæstuationem alternis diebus exacerbationem cum vel sine levi horrore habet, ita tamen, ut augmentum & decrementum ejus manifeste deprehendi possit. Illa vero complicatio, quam refert *Panarolus Pentec. 2. Obs. 33.* de Tertiana continua duplici cum quartana, certe fuit mirabilis, si Authori credimus.

**Hemitritæa** §. 6. Huc pertinet in specie Hemitritæa, de qua quidem variant Authorum sententiæ; revera tamen nihil aliud est, quam febris composita è tertiana intermittente & quotidiana continua, uti videri potest apud *Timæum l. 8. Cas. 21. sequ.* & *Riverium obs. 23. de morbis infrequent.* Vel ex intermittente quotidiana cū tertiana ap. *Regium in Dissert.* Vel ex continua & duplici tertiana ap. *Plater. l. 2. obs. 312.* Vel ex continua quotidiana & quadruplici tertiana apud *River. C. 4. obs. 23.* Vel denique ex intermittente præsertim tertiana simplici, vel multiplici, cum febre symptomatrica continua ab inflammatione partis cujusdam ex observatione *Celeberrimi SENNERTI NOSTRI*, qui de hoc negotio pluribus egit. *Lib. 2. de febr. Cap. 21.*

**Quartana duplex & triplex** §. 7. Quartanam duplicem sæpius à simplici oriri, etiam hic loci observatur, nec impossibilis est triplex, ubi æger uno tantum



tantum die immunis à febre, binis autem sequentibus novos/pa-  
titur paroxysmos; Vel in triplici quotidie novum, ita quidem, ut  
primus respondeat quarto, hic septimo, secundus vero quinto &  
hic octavo; Ex iisdem principiis de quartana simplici allatis, &c.  
saltem in diversis locis latentibus.

§. 8. Sed omnium ferè rarissima est quartana continua,  
adeo ut à quibusdam Practicis Veteranis non fuerit observata,  
uti videri potest ap. *Joelem in Praxi*. Observarunt tamen eandem  
alii in specie cum febre continua, lenta, vel hectica conjunctam:  
Nec eandem ratio dissuadet: Quidni enim febris quartanæ diu-  
turnæ tandem accedat hectica, vel similis lenta, quia quartana-  
rios, licet raro, tamen interdum febribus malignis correptos legi-  
mus? Confer. *Piens de febribus, Lindan. super Hartmann.*

*Quartana  
continua*

§. 9. Quin imò Quintanam duplicem observarunt in E-  
*phemer. Germ. An. 9.* & forsàn etiam continua datur, sed quales-  
cunque etiam sint; omnes tamen è causis continuarum & inter-  
mittentiù coalescunt, ut propterea in diagnosi, prognosi, vel cura  
errare non possit, qui modo de simplicioribus ea probè notaverit.  
Unicum tantum adhuc notasse sufficiat, quod omnes tales com-  
positæ primum è simplicioribus oriantur ex erroribus variis in  
Cura & Dieta commissis, uti quoad singulas species demonstrare  
possem, nisi in generalioribus tantù subsistere pro nunc placeret.

*Quintana  
duplex*

§. 10. Complicationes cum aliis morbis non attendimus,  
infiniti enim sunt qui sociantur febribus: Maxime Scorbutus, ut i  
quibusvis aliis morbis tanquam Protheus, ita in specie febribus tam  
continuis, quam intermittentibus admodum familiaris est, eas ex-  
acerbat, symptomatibus auget & in periodis aliisque non leviter  
turbat.

§. 11. De mutationibus febrium inter se ipsas jam tum su-  
pra dictum: Id saltem è complicationibus hic enarratis observa-  
mus, quod si intermittentes in continuas degenerant, id fiat ob  
transitù totius materiæ febrilis è primis viis in Massam sangvineâ,  
quibuscunque etiam erroribus commissis: Si vero continua cum  
intermittente mutatur, redit tantum Massa sanguinis ad pristinum  
statum naturalem, collecto tamen, l. producto denuo novo fomi-



re in primis viis, idque rursus à tot erroribus in statu sanitatis,  
multo magis morbofo facillime contingentibus.

## CAP. V.

# *De Symptomatib9 Febr. Specialiorib9.*

### §. I.

**O**Mnium symptomatum, quæ in febribus contingunt, rationem afferre, esset integram ferè pathologiam conscribere; Tot enim & tam multiplicia ea sunt, ut nesciam, an ullum plane in natura symptoma detur, quod febrī cuidam complicari & ab eadem produci nequeat. Pauca igitur & ea magis essentielle attendere placet, quæ naturam febrīū, in genere hætenus utcunq; in compendio explicatā, illustrare forsan poterunt. Talia autē potissimum sunt *Horror, Rigor, calor pn. pulsus auctus, sitis, urina turbida & rubicunda*, quæ omnia, si non semper, tamen ut plurimum febrīum omnium insultus sequuntur, vel comitantur.

*Horror &  
Rigor*

*Phricodes*

§. 2. Horror quidem & Rigor communiter sociantur intermittentibus, ita, ut non solum principium sed etiam omnes paroxysmi à rigore quasi incipiant; Isque sæpius tantus est, ut concussio corporis non multum dissimilis expilepsiæ videatur: Sed contingit etiam etiam in febrīum continuarum & mixtarum initiis, unde habetur è continuis in specie phricodes, seu horrida species & Hæmitritæa, quibus in toto morbi cursu horrores & rigores superveniunt, quales etiam in febribus à suppurationibus partium internarum observantur, uti paulo post de frigore patebit. In quibuscunqve autem sit, à salibus acidis cum volatilibus ☐osis concurrentibus & effervescentibus quasi, derivandus venit; Ab acidis miasmatibus non solum in primis viis, ubi intermittentium paroxysmus incipit, sed etiam in universo corpore fibrillæ & membranæ nerveæ vellicantur, unde necessario, ob archæum vel Spirititus irritatos, ex ipsæ partes convulsivo impetu contrahuntur & quatiuntur.

*Frigus*

§. 3. Ille horror quidem frigus non est, interim tamen eadem ut plurimum conjungitur frigus actuale & positivum, non solum ob interturbatum influxum calidi nativi vel spirituum ad exteriora, sed etiam ob realem particularum Arearum ab acido



exuperante ligationem, unde modo extrema, interdum etiam totum corpus extrinsecus tactu Medici plus minus frigidum apprehenditur, cutis videtur anserina, ob glandulas constrictas, facies pallescit, ungues livescunt &c. Contingit v. æq; in febribus continuis ac intermittentibus, in his tamē frequentius ingruente paroxismo in Continuis vero in principio, ubi acida effluvia cum volatilibus alcalibus adhuc de principatu pugnant; his enim superantibus mox Calor subsequitur. Sed notabile est quod interdum in paroxysmis Calor præcedat & frigus sequatur, de quo legi meretur *Primrosius de febr. l. 2. C. 4.* In quorum scilicet sanguine partes  $\Delta$ reae volatiles admodum exiguae, vel facile mobiles subito abeunt vel suffocantur, & superanti acido locum relinquunt; Imo in quibus sanguis fere orbatus volatili alcalico, paroxysmi ægros solo frigore & horrore cruciant absque omni calore superveniente; uti observatur in febribus diuturnis tandem declinantibus.

§. 4. Exinde præcipuè factum, quod febribus calorem, tanquam essentielle symptoma denegaverint, quod tamen vindicavimus in principio statim. Id saltem nunc addimus quod motus intestinalis in sanguine & spiritus nullatenus sine calore subsistere vel concipi possit, qualiscunque etiam sit. Etenim calor immediate à motu  $\Delta$ rearum &  $\Theta$ inarum partium dependet, ut posito uno, ponatur alterum necesse sit. Variat tamen rursus, pro diversitate cacochymiarum plus minus salinarum acidarum, vel alcalinarum. In quibusdam febribus præcipue continuis & tertianis interdum æstus plane exquisitus & intensissimus observatur, adeo ut omnis ferè humiditas dulcis absumatur, humores ubivis tenacius cohæreant, labia, lingua, & fauces fissuras & scabitiem contrahant; Tantum quod à sale volatili & acriori acido dependeant tales, à quibus omnia  $\Theta$ ia alcalisantur quasi, vel empyreuma contrahunt, uti loquitur *Helmont. Tract. pylor. Rect. §. 26.* Tales etiam Causi in specie dicuntur.

§. 5. Sed habentur etiam quædam febres ex continuis, in quibus interiora saltē uruntur, exteriora v. simul frigent & algent, Lypyræ dictæ; Quæ communiter oriuntur ex inflammatione visceris cujusdā, vel ad minimum eidem complicantur, tunc enim sanguis circa viscus inflammatum stagnans necessario fermentat, æstuat indeque calorem centralem efficit: Eo ipso vero etiam sanguis

*Calor p. n.*

*Lypyræ*



& spiritus ad interiora ruunt; (ubi enim dolor, ibi confluxus humorum) & genus membranosum nervosumque spiritu vitali destitutum alget & friget: Uti videri potest ap. *Sennert. l. 2. d. febr. C. 16. Sylv. l. 1. Prax. C. 29. Primros. de febr. c. 3.*

**Epialæ.**

§. 6. Pertinent huc febres Intermittentes Epialæ, sive simplices sive mixtæ, in quibus simul ab ubique calor & frigus vehementer urgent ab acido in lymphæ extrinsecus exuperante & intus in sanguine nihilo secius fermentationem indeque calorem suppressum quidem concitante, prout quoque deprehendere licet in febribus lentis à catharris viscidis, scorbuticis & acidis oriundis. Ex ejusmodi principiis explicanda venit illa continua febris, in qua lateris sinistri totius æstus, dextri vero frigus sentiebatur ab ægro in *Actu Med. Hafniens. vol. 2. p. 137.*

**Sitis.**

§. 7. Sitis æquæ ac calor modo est intensior modo remissior & vix sensibilis itidem pro diversitate  $\ominus$ ium; quo magis enim abundant  $\ominus$ ia lixiviosa urinosæ; eo magis urget sitis & contra, exuperante acido viscidæ pituitæ immerso, eadem deficit; ita tamen ut præsentem nihilo secius fermentatione suppressa semper siccitas oris, lingvæ & faucium, propter lymphæ dulcioris defectum in omnibus febribus adsit: Alia ratio est, quando ægri delirant & sitim, licet præsentem, non præcipiunt, quod inter pessima febrium symptomata jam tum Hippocrates retulit.

**Pulsus auctus.**

§. 8. Propter ejusmodi motum hostilē spirituum etiam fieri nequit, quod febris absq; pulsu aucto concipi, vel existere possit. Spiritus qui alias ordinarie cordis & arteriarum fibras movent, sunt ipsum proximum & immediatum motus febrilis subjectum, ipsimet sunt interturbati & irritati; quomodo fieri posset, quod cor & arterias, in quibus excubant, impetuosius non moverent?

**Urinæ rubicundæ & Turbidæ.**

§. 9. Deniq;  $\square$ uæ in febribus quibuscunq; intensius rubent, & quo intensior æstus urget, eo magis flammeum & rutilantem colorem exhibent; Acido nempe fermento fortiori in alcali sanguinis agente. Unde scorbuticorum urinæ subinde intensissimè rubent, etiam absq; febrili æstu, &  $\square$ uæ experimentaliter ab instillatis spiritibus acidis statim intensius rubescunt, minus vero ab alcali aliquo. Declinantibus verò illis ac defervescente æstu acri expositæ citò turbantur ob recedentes scorias inter fermentandū inutiles redditæ, sensimq; ad colorem citrinum redeunt. Novi quod dentur febres malignæ, eoq; peiores; in quibus nulla urinæ mutatio quoad colorem, vel substantiam observari potest. Sed in illis magis excedit  $\ominus$  volatile alcalinum; Febres enim non solum ex acido, sed etiam alcalico, naturalem proportionem excedente, oriri, è supra dictis colligi potest.

§. 10. Studio præterimus symptomata alia: nempe deliria, convulsiones, sudores colliquativos, pleuritides, anginas, diarrhæas & alia innumera; hæc enim per accidens tantum, vel certis etiam febrium speciebus cohærent, unde etiam specialiori discursui reservamus. S.D.G.







